

TEMPHILO

Umtfolamphilo lomusha endzaweni yase-Ga-Thaba



Lomdzala



Lomusha

Indzawo yemfolamphilo lomdzala wase-Soetfontein (kusancele) itawutsatfwa ngumfolamphilo lomusha losandza kwakhiwa (kusekudla) lonetinsita takalokusho tesimanjemanje.

Albert Pule

Umtfolamphilo lomusha utintjintje kakhulu timphilo tebantfu endzaweni yase-Ga-Thaba, eLimpopo.

Umtfolamphilo wase-Soetfontein, lowasungulwa nga-1971, bewunemagumbi lamabili lekuhlololwa kuwo tigulane, neligumbi lekubekela kanye neligumbi lebelisetjentiswa njengekhemisi liphindze lisetjentiswe njengendzawo yekubeka imphahla.

Nyalo nga-2015 ummango wase-Ga-Thaba sewunemfolamphilo lomusha lotawuniketela ngelusito lwetempilo kumakhaya langetulu kwe-800 kulenzawo.

Umtfolamphilo lomusha wengeta eluhlweni lwetikhungo tetemphilo esifundzeni. Takhamuti kulesifundza tiffola lusito lekWelashwa emifolamphilo le-444, tikhungo tetemphilo leti-26, tibhedlela tesigodzi leti-30, tibhedlela tesifundza letisihlanu, tibhedlela letintsatfu letiniketela ngetinsita letikhetsikile kanye netibhedlela letimbili lokudluliselwa kuto tiguli letidzinga kuhlolwa bodokotela lababochwepeshe emikhakheni yekwelapha letsite.

Umtfolamphilo wase-Soetfontein unemagumbi lamane lekuhlololwa kuwo tigulane, ligumbi lekWelashwa kulo tigulane letidzinga kwelashwa lokuphufumako, ligumbi lapho bantfu batfola khona kwelulekwa ngekwencondvo (lokunikwa

umuntfu lowetfuke kakhulu nome lohlukumeteke kakhulu engcondvweni kanye nalabo labahlololwa ingculazi (i-Aids) nesandvulelangculazi (i-HIV)), ligumbi lekubekela lelinetincenye letintsatfu (ligumbi lelincane lekucala, ligumbi lelincane lekubekela kanye neligumbi lelincane lapho kulaliswa kuphindze kululamele kulo bomake nabacedza kubekela), ligumbi lapho kubekwa khona emalakeni netingubo tekulala kanye neligumbi lelinemishini lekhetsekile yekuhlola kanye nokuhlola kutsi sigulane siphetfwe yini.

Lomfolamphilo unebahlangikati labafundze baphotfola tifundvo tabo lasebahhaliswe ngalokusemtsetfweni labasikhombisa, nebahlangikati lababili labasacecshwa kanye nemsiti munye webahlangikati.

Lomfolamphilo wakhiwa Litiko Letemphilo laseLimpopo kantsi utakwenta lukhulu ekuletfweni kwetinsita tetemphilo kubantfu bendzawo yase-Ga-Thaba.

Ekucaleni, litiko belibekele eceleni imali lengamarandi latigidzi leti-11 yekwakha umfolamphilo wase-Soetfontein kepha ekugcineni wasebentisa imali lengamarandi latigidzi leti-15.2 kwakha lomfolamphilo.

Kusukela ekuvulweni kwawo ngaMabasa, umfolamphilo wase-Soetfontein sewulekelele ekubekweni kwabantfwa laba-18.

"Kungenta ngitigcabhe kuhambahamba ngekhatshi kulesikhungo setemphilo lesisha futsi lesikhungo sitawekelele tsine

njengebaniketeli belusito lwetempilo kutsi sikwati kuniketela ummango ngelusito lekWelashwa lolufanele," kusho umhlangikati Anna Motimele ngesikhatsi akhuluma emcimbini wekuvulwa ngalokusemtsetfweni kwalomfolamphilo.

Umtfolamphilo wawulwa ngalokusemtsetfweni nguMphatsiswatiko (u-MEC) Wetemphilo Esifundzeni saseLimpopo Dkt. Phophi Ramathuba, futsi watsi unelitsembe lekutsi umfolamphilo utawuletsa ingucuko etimphilweni tebantfu.

"Ngitsembe kutsi lomfolamphilo usicalo setintfo letinhle letitakwenteka kulenzawo. Ngiko lesisuke sikhuluma ngako nasikhuluma ngekuniketelwa kwezidingonchanti."

"Asitsandzi kutsi kube nesimo lapho umuntfu nakavakashela emfolamphilo aphetfwe ngumkhuhlane afike anikwe i-Panado, kube seangatsi i-Panado ngilo likhambi lekWelapha tonkhe tifo," kusho uMphatsiswatiko Phophi.

Litiko letemphilo esifundzeni saseLimpopo liniketela liphindze lisingatse tinhlelo tetemphilo letiphelele letiniketwa ummango. Tikhungo tetemphilo esifundzeni tacinisekisa kutsi imimango kuso sonkhe sifundza iyafinyelele etinhlelweni tetemphilo.

KuJohana Malahlela, loneminyaka yebudzala le-44, kuvulwa kwalomfolamphilo kutawumongela imali nakahambisa indvodzana yakhe emfolamphilo.

"Kunetikhatsi lapho ngicitse khona imali

lenyenti ngesikhatsi ngihambisa indvodzana yami emfolamphilo. Bekudzingeke kutsi ngigibele ngiye eMankweng nome ePolokwane ngesinye sikhatsi bengicitsa imali lefinyelela emarandini la-300 yekugibela nje kuphela nangiya lapho.

"Nyalo sengiyakwati kuhamba ngetinyawo nangisuka ekhaya lami ngiya emfolamphilo futsi indvodzana yami itawutfola kunakekelwa lokufanele," kusho lomake lonebantfwana lababili.

Kgabo Manamela, loneminyaka yebudzala le-55, uyavumelana naMalahlela, njengobe sekuphele emashumi ngemashumi eminyaka umndeni wakhe usebentisa umfolamphilo lomdzala. Sekakubuke ngemehlo labovu kusebentisa lesikhungo lesisha.

"Lomfolamphilo lomusha utasitsita kakhulu,

TIKHUNGO TETEMPHILO ESIFUNDZENI SASELIMPOPO

- imifolamphilo le-444
- tikhungo tetemphilo le-26
- tibhedlela tesigodzi le-30
- tibhedlela tesifundza letisihlanu
- tibhedlela letintsatfu letiniketela ngetinsita letikhetsikile
- tibhedlela letimbili lokudluliselwa kuto tigulane letidzinga kuhlolwa bodokotela lababochwepeshe emikhakheni letsite yetekwelapha.

ikakhulu bantfu lasebekhulile ngekweninyaka labangakwati kuhamba emabanga lamadze balibangise ePolokwane," kusho yena.

Umholi wendzabuko lophetse kulenzawo iNkxosi Maisha Molepo III sewucele ummango kutsi ungawokheli ngemlilo umfolamphilo ngenca yekunganetiseki kwawo ngokuniketwa kwetidingonchanti tahlumende.

"Lomfolamphilo akusiwo walabantfu," kusho yena, akhomba uMphatsiswatiko kanye nelitsimba lakhe.

"Wetfu, tsine njengebantfu bendzawo yase-Ga-Thaba, kantsi angifuni kutsi kusasa ngitfole umbiko lotsi nine seniwushisile lomfolamphilo ngobe ningakanetiseki ngetidzingonchanti letetfulwa nguhulumende."

"Nanikwenta loko, mine ngitawuletsa emaphoyisa kantsi labo labawushisile bayawufakwa ejele sikhatsi lesidze," kusho yena, alandzelwa yinhloko lenkhulu.

Indzawo yakaManxili itfola umfolamphilo kalokusho



Mengameli Jacob Zuma, lapho ubonakala anankhosikati wakhe Tobeka Madiba-Zuma emcimbini wekuvulwa ngalokusemtsetfweni kwemfolamphilo wakaManxili eNquthu, KwaZulu-Natali. Lomfolamphilo sewuletse tinsita tetemphilo letincono emmangweni wakaManxili.

Thandeka Ngobese

Umtfolamphilo kalokusho wakaManxili eNquthu, KwaZulu-Natali, lowakhiwe ngemali lengamarandi latigidzi le-20, utawuletsa lusito lwetempilo loludzingeka kakhulu kulommango wasemakhaya lonebahlali laba-13 000.

Esikhatsini lesengcile, emalunga emmango bekudzingeke kutsi amele kufika kwemfolamphilo longumahambanendlwana lobewuvakashela lendzawo kanye ngenyanga, nome ahambe libanga lelingamakhilomitha la-10 alibangise emfolamphilo waseMangeni kute atfole lusito lwetempilo, kantsi esikhatsini lesinyenti lelibanga abelihamba

lusito lwetempilo etibhedlela tesifundza leti-72, emakolishi ekucesha bahlangikati laba-25 kanye netikhungo tetemphilo temmango leti-18.

Umtfolamphilo wakaManxili, lovulwe ngalokusemtsetfweni nguMengameli Jacob Zuma esikhatsini lesifishane lesengcile, uhambelana neluhlelo lwekusebentisa kwemkhankhano wahlumende i-Operation Phakisa lwekwakhiwa "kweMifolamphilo Lesezingeni Lelifanele", loluphokelela kuniketelwa kwetinsita letisezingeni lelisetulu, ngekulandzela emazinga avelonkhe etempilo lahamba lasisekelo.

Umcimbi wekuvulwa kwemfolamphilo bewuhanjelwe naLisekela leNdvuna

ngetinyawo.

Umtfolamphilo longumahambanendlwana bewufika kulenzawo usuka Esibhedlela i-Charles Johnson Memorial, lesichele ngemakhilomitha la-62.

Lilunga lemmango Maqili Buthelezi latsi uma lengciwe lusuku lwekufika k w e m f o l a m p h i l o longumahambanendlwana bekudzingeke kutsi libebentise emarandi la-54 ngesikhatsi liyewulandza emaphilisi alo e-Charles Johnson Memorial Hospital.

"Lomfolamphilo lomusha lesiwakhelwe nguhulumende wetfu utawusisita kakhulu, kantsi futsi siwutfokotela mbamba," kusho yena.

Bahlali besifundza saKwaZulu-Natali batfola

Yetemphilo Dkt. Joe Phaahla, uMphatsiswatiko Wetemphilo e-KZN Dkt. Sibongiseni Dhlomo, emalungu eLikomidi LeLengamele Temphilo kusiShayamtsetfo saka-KZN, kanye nalabebamele Liphiko Lolufaka Imikhakha Lehlukahlukene Yamhlabuhlangene Lolwengamele Luhlelo Lwekulwisana Nesandvulelangculazi Nengculazi (UNAIDS), boMeya, emaKhansela kanye nemaKhos.

Lomfolamphilo utakwenta ncono imitamano yahlumende yekulwisana netifo, kufaka ekhatsi ingculazi nesandvulelangculazi, sifo sesifuba (i-TB) kanye nenkinga yekushona kwabomake nababeleka kanye nekushona kwetinswane kanye nekwandza kwetifo esigodzini saseMzinyathi.

Lisekelandvuna Phaahla, ngesikhatsi likhuluma emcimbini wekuvulwa kwemtholampilo, litsite litiko lilandzela imiyalelo yaMengameli Zuma yekutsi kulandzelwe ligunya leluHlelo Lwekutfutukiswa Kwelive (i-NDP), lolutsi kute itfutfuke iNingizimu Afrika kumele tindzawo tasemakhaya titfutukiswe kanyekanye netindzawo letisemadolobheni.

"Ngeke tifezekiswe tinjongo teMshwalense Wavelonkhe Wetemphilo (i-NHI) nasingacinisekisi kutsi tentiwa ncono tinsita tetemphilo letiniketwa etindzaweni tasemakhaya, kantsi futsi sicingisekise kutsi tisezingeni lelisetulu," kusho Lisekelandvuna Phaahla.

Temphilo esifundzeni tiya ngekushiyana kusukela kutemphilo letisisekelo kuya etibhedlela tesifundza. Letikhungo atiniketeli ngetinhlelo tetemphilo kuphela, kepha emakolishi ekucesha bahlangikati nawo asho kutsi luhlelo lwetempilo yesive lungatfola kwesekelwa ngesikhatsi bahlangikati labasha baphotfola tifundvo tabo.

Kwakhiwa kwemfolamphilo wakaManxili ngumphumela welubanjiswano emkhatsini weLitiko Letemphilo, inhlangano i-Tobeka Madiba-Zuma Foundation kanye nemmango.

TIKHUNGO TETEMPHILO ESIFUNDZENI SAKWAZULU-NATALI

- tibhedlela tesifundza leti-72
- emakolishi ekucesha bahlangikati a-25
- kanye netikhungo tetemphilo temmango leti-18

kutsi kulandzelwe imigomo yekuhlola, kulawulwa kwekwesuleleka kwetigulane ngetifo, kuncishiswa kwemigca lemidze, kutfolakala kwemitsi leyenele kanye naletinye tidingo letimcoka, kuvikeleka nekuphepha kwetisebenti netigulane, nekutimisela kwetisebenti kanye nekuphatfwa kwetigulane ngendlela lenesizotsa nebungani.

Kusukela ngesikhatsi umfolamphilo wakaManxili ucala kusebenta kudzimate kube ngunyalo, sekusatjalaliswe emakhondomu alabadvuna la-72 100 kantsi ti-107 tigulane lesetinikwe lusito lwetempilo loluphatselene nekubekela.

Umtfolamphilo wakaManxili uniketela ngetinsita tetemphilo letinjengekunakekelwa kwabomake labatetfwele, kuhlololwa umdlavuta wemlomo wesibeletfo, sifo sesifuba, sandvulelangculazi kanye nekwelulekwa ngekwencondvo.

TEKUPHEPHA NETEKUVIKELEKA

Khulume ngekhulukungyetwa kwebantfwana

Noluthando Mkhize

Njengobe lelive litakube lichuba umkhankhaso wetiNsuku le-16 Wekulwisana Neludlame Lolucondziswa Kulabasikati Nebantfwana, uMbutfo Wemaphoyisa aseNingizimu Afrika (SAPS) sewucele ummango kutsi ukhulume futsi usukume, ulwisane nekhulukungyetwa kwebantfwana.

“Nawusola kutsi kukhona sento sekhulukungyetwa kwebantfwana lesichubekako, ungabindzi, kepha kumele ubike lesi sento esiteshini semaphoyisa lesisedvute nawe nome ushaye lesinye setikhungo letahlukahlukeni lesetisungulelwe kulwisana nekhulukungyetwa kwebantfwana,” kusho Major-General Yvonne Botsheleng, loyiNhlolo Yeluphiko Lweludlame Lwemindeni, Kuvikelwa Kwebantfwana kanye Namacala Etemacansi (i-FCS), ngaphasi kwembutfo we-SAPS.

Watsi nanobe luPhiko lwe-FCS lutibophetele ekucinisekiseni kuphepha kwebantfwana, batali nemalunga emndeni, nabothishela kanye nebaholi bemmango kumele babambe lichaza ekuvikelweni kwebantfwana etentweni tekhulukungyetwa.

“Umntfwana ukhuliswa bantfu besigodzi sonkhe – kungumtswalo losemahlombe emmango wonkhe kucinisekisa kuphepha kwebantfwana betfu,” kusho Major-General Botsheleng.

Umkhankhaso wetiNsuku leti-16 Wekulwisana Neludlame Lolucondziswa Kulabasikati Nebantfwana ngumkhankaso wemave ngemave lokhloswe ngawo kwatasa bantfu.

Ubaniwja njalo ngeminyaka kusukela mhla ti-25 kuLweti, lokuluSuku Lwemave Lekucedvwa Kweludlame Lolucondziswa Kulabasikati, kudzimata kube ngumhla ti-10 iNgongoni, lolwatiwa ngelukuSuku Lwemalungelo Elunthu Emhlabeni Jikelele. Lesikhatsi sifaka ekhatsi luSuku Lwebantfwana Emhlabeni Jikelele kanye neluSuku Lwengculazi Lwemhlaba Wonkhe.

LWANI NEBUGEBENGU LOBUCONDZISWE EBANTFWANENI

Major-General Botsheleng wagcizelela kutsi luPhiko lwe-FCS selutente ncono tihlelo talo talo kute kucinisekise kutsi luyakwati kulwisana nebugebengu lobucondziswa ebantfwaneni. Loku sekuholele ekutsaneni sinciphe sibalo sethlahlako letibikwako letiphatselene nekhulukungyetwa kwebantfwana kantsi selikhule kakhulu lizinga lekulahlwa licala nekufakwa ejele kwalabo

labahlukumeta bantfwana.

Ngekwetibalo tebugebengu letisemtsetfweni, sehlile sibalo semnyaka nemnyaka sethlahlako tebugebengu lobucondziswa ebantfwaneni sisuka etehlakalweni letibikiwe leti-48 718 ngemnyakamabhuku wanga-2012/13 safinyelela etehlakalweni leti-45 230 ngemnyakamabhuku wanga-2013/14. Lizinga lekulahlwa licala nekufakwa ejele kwebenti balokubi selenyuke layawufinyelela kuma-75%.

Wengeta ngekutsi i-SAPS ngete yakwati kulwisana neludlame lolucondziswa kulabasikati nebantfwana nayisebenta yodvwa kepha iyakudzinga kwesekwa ngummango.

KUVULWA KABUSHA KWELUPHIKO LWE-FCS SEKWENTE UMEHLUKO

Ngekusho kwa-Major-General Botsheleng, kuvulwa kabusha kweluPhiko lwe-FCS nga-2010 kufake sandla ekukhishweni kwetigwebo tekudzilikelwa lijele leti-1 832 emacaleni ebugebengu lacondziswa kulabasikati nebantfwana.

LuPhiko lwe-FCS lwetfulwa kabusha nga-2010 ngemuva kwekutsi belufakwe ngephasi kwe-SAPS nga-2006. Kusukela ngesikhatsi sekwetfulwa kabusha kudzimata kube ngunayo, loluphiko selutiphindzaphindze kabili tinsitakusebenta talo futsi selunemagatja la-176 kanye namalunga labalelwa e-2 500 eliveni lonkhe.

Ngaphezu kwaloko, luPhiko lwe-FCS selucashe bosonhlalakahle labanelikhono lelikhulu labalelela ekuhlolweni kwesimo sebantfwana labahlukungyetwa kanye nekuhlanganiswa kwemibiko letakwefulwa enkantolo, baphindze banikete bufakati lobuvakalako embi kwenkantolo.

I-FCS yenta umsebenzi wekuphenya emacala etemacansi lacondziswa ebantfwaneni, nebugebengu lobucondziswa elungeni lemndeni lobentiwa ngulelinye lilunga lemndeni, kususwa nekutsatfwa ngalokungekho emtsetfweni kwebantfwana labaneminyaka lengaphasi kweminyaka yebudzala le-12 kanye nebugebengu lobenziwa ngokusebentisa tekuchumana nge-inthanethi kanye naletinye tindlela teluhlelochumano. Njenganyalo imikhakha lemibili leletsu kukhatsateka lokukhulu ku-FCS kusatjalaliswa kwetifombe nemavidiyo etemacansi labandzakanya bantfwana kanye nemacala ekonukubetwa kwebantfwana.

“Emacaleni lacondziswa ebantfwaneni asawonkhe, angetulu kwesigamu emacala laphatselene nekunukubetwa kwebantfwana. Loku kubhehsetsekiswa kakhulu kukhula kwesibalo

soluhlelochumano netinkundla te-inthanethi letisetjentiselwa kutfumela nekusabalalisa titfombe nemavidiyo etemacansi labandzakanya bantfwana. “Mayelana nekuphenywa kwemacala labandzakanya kushushumbiswa kwebantfwana, umbutto we-SAPS uneluphiko lolukhetsekile nalobuchwepheshe lobusezingeni lelisetulu lolusebenta ngephasi kweluPhiko lwaboLoheya (ema-Hawks) – lolubitwa ngeluPhiko Loluphenya Emacala Labekwe Etulu (i-DPCI).”

LETINYE TETIMPHAWU TEBANTFWANA TEHLUKUNYETWA NGEKWEMACANSI

- Kutiphatsa ngendlela lekumbisa tento temacansi ngalokucacile
- Kugucuka kwendlela latiphatsa ngayo umntfwana
- Lulaka, luchuku
- Ingcindzelo yemphefumulo, imitamoyekutibulala
- Kubonakala kwetimpshawu letikhombisa kuphatseka kabi emtombeni nasemphefumulweni nome timphawu letibonisa kubuyela esimweni lesingasisihle sangaphambili
- Tinkinga letiphatselene nekuchama
- Kwehla kwelizinga lemsebenzi wesikolo
- Esitfweni sangasese sentfombatane: Luketjeti loluneliphunga lelubi, imihuzuko, kopha, kutfolakala kwetintfo ngekhatshi kwesitfo sangasese lokungafaneli tifikwe lapho
- Umntfwana uva buhlungu uma ehamba nome ehleti phasi.

TELULEKO LEZIPHATSELENE NEKUGCINA BANTFWANA BAKHO BAPHEPHILE

Major-General Botsheleng waniketa leteluleko letilandzelako mayelana nekutsi ungabagcina njani bantfwana bakho baphephile:

- Kumele ngaso sonkhe sikhatsi uhlale wati kutsi ukuphi umntfwanako futhi ucinisekise kutsi kunemuntfu lombhasobhile ngaso sonkhe sikhatsi.
- Kumele uhlale ubeke liso kumakhalekhikini wemntfwanako, nendlela lasebentisa ngayo i-inthanethi kanye nekutsi ngubani lachumana naye.
- Kumele utfole lwati neminingwane lephatselene nalosala nemntfwanako uphindze utfole nelwati mayelana nanome nguyiphi inkhulisa lewutfumela kuyo umntfwanako.
- Uma ungakhoni kuyotilandzela ngekhwako

umntfwana esikolweni, inisekisa kutsi bothishela banelwati lwekutsi ngubani lotawulandza umntfwana.

- Uma khulukungyetwa kwemntfwana kwenteka ngekhatshi emndenini, ungacali ukuyekele nome wenze imitamoyekutsi kucociswane ngaloku ngekhatshi emndenini, endzaweni yekubikela emaphoyisa. Cela lusito ebantfwaneni we-SAPS nome etikhungweni letehlukahlukeni tekuvikelwa kwebantfwana.
- Umntfwana kumele amnikete liciniso leliphelile umtali wakhe kute atfole lusito ngekushesha kute futsi kubonakale kalula nayihlukunyetwa.
- Umtali kumele amati kahle umntfwanake, akhulume naye ngekukhululeka mayelana nekhulukungyetwa futsi acinisekise kuvikeleka nekuphepha kwemntfwana.

Nawufuna kubika noma ngusiphi sento lelisolisako lesiphatselene nekhulukungyetwa kwemntfwana nome kunganakwa nekunganakwa kwemntfwana nome ukuchashatwa kwemntfwana, kumele uchumane naletikhungo letilandzelako (asikho sidingo sekutsi udzalule ligama lakho, nawungafuni):

- SMS Crime Line: 32211
- Litiko Letekutfufukiswa Kwetenhlahlakahle Sikhungo Lesiniketela Ngelusito lesitfolakala ema-awa la-24: 0800 428 428 (mahhala) – lapha umntfu loshaya lucingo angakhuluma nabosonhlalakahle kute atfole lusizo nome kwelulekwa ngekwegcondvo
- Bantfu labashaya lucingo bayakwati futsi kutsi bacele sonhlalakahle eSikhungweni Lesiniketela Ngelusito kutsi bashaye ngekuchofota lekhodi *120*7867# (mahhala) kunome ngumuphi makhalekhikini
- Luphiko Lwetenhlahlakahle Yebantfwana LwaseNingizimu Afrika: 0861 424453 / 011 452-4110 / ungatfumela ne i-imeyili ku: info@childwelfare.org.za
- SAPS Crime Stop: 08600 10 111

Ludlame Lwasemakhaya: Khuluma kuvakale

Bantfu labanyenti baseNingizimu Afrika basalutsatsa njengendzaba yemndeni Ludlame Lwasemakhaya, kodvwa loku kulicala lelibovu, futsi umntfu angaboshwa, avalelwe ejele ngaloku. Hulumente, ngekusebentisa eMatiko lahlukahlukene, sewushaye imitsetfo lehlukahlukene ngenhloso yekunciphisa Ludlame Lwasemakhaya.

LUYINI LUDLAME LWASEMAKHAYA?

Ngekusho kweMsetfo Weteludlame Lwasemakhaya (i-DVA), Nombolo 116 wanga-1998, loku kusho:

- nome nguluphi luhlobo lwekhulukungyetwa, kubandzakanya khulukungyetwa emtombeni, khulukungyetwa ngekweamacansi, ngekweemphefumulo, ngekwegcondvo kanye nekhulukungyetwa ngekwetemnotho
- kucekelwa phasi kwempahla
- kunyonyoba emva kwemuntfu umlandzele nome kuphi lapho aya khona
- kungeni emhlabeni wemuntfu ngaphandle kwemvume yakhe
- nome ngukuphi kutiphatsa ngendlela lehlukumetako nome lelawulako, nangabe loko kudala umonakalo nome nakungenteka kudale umonakalo emphilweni yakho, nekuphepha kwakho kanye nenhlalakahle yakho

LUSITO LOLUNIKETWA BAHLUKUNYETWA

Kunetinsita lehlukahlukene kanye netikhungo letiniketela ngetinhlobo lehlukahlukene telusito ngephasi kweluphahla lunye, letisungulelwe kuniketa bahlukunyetwa ngelusito nekwesekwa labakudzingako ngemuva kwekhulukungyetwa, letinjengaleti:


- Tikhungo ema-Thuthuzela Care Centres Letikhungo titholakala kakhulu etikhungweni tetemphilo, lokhloswe ngato kunciphisa kukhahlameteka kwebantfu lasebavele bahlukunyetwa ludlame lwasemakhaya, nekuphucula lizinga lekulahlwa licala kanye nekulahlwa ejele kwebenti balokubi kanye nekunciphisa sikhatsi sekutetwa nekuphotfulwa kwemacala.
- EmaKhuseleka One-Stop Centres Letikhungo tiniketela ngetinsita letentelwe labasikati nebantfwana labahlukungyetwa, njengekwelulekwa ngekwegcondvo kulabo labakhahlametekile engcondvweni ngenca yekhulukungyetwa, nelusito lwetemphilo, nelusito lwemaphoyisa, nelusito lwetemsetfo kanye nendzawo yekufihla inhloko, nakubalwa naye tinsita letimbalwa. Letikhungo tiniketela ngelusito ngaso sonkhe sikhatsi ngobe tihlala tivuliwe ema-awa la-24.
- Tikhungo te-SAPS Teludlame Lwemindeni, Kuvikelwa Kwebantfwana kanye Namacala Etemacansi (i-FCS). Tikhungo te-FCS tilwisana nemacala etemacansi lacondziswa ebantfwaneni, nebugebengu lobucondziswa elungeni lemndeni (lobentiwa lilunga lemndeni lofanako), kususwa nekutsatfwa ngalokungekho emtsetfweni kwebantfwana labaneminyaka lengaphasi kweminyaka yebudzala le-12 kanye nebugebengu lobentiwa ngekusebentisa tekuchumana nge-inthanethi kanye naletinye tindlela teluhlelochumano.

Nawudzanga lusito shayela: i-SAPS Crime Stop: 08600 10 111 nome Sikhungo Lesiniketela Ngelusito seLitiko Letekutfufukiswa Kwetenhlahlakahle: 0800 428 428

Nangabe kukhona umntfu lokhulukungyetwa onelilungelo lekufaka sicelo semyalelo wekuvikelwa, esiteshini semaphoyisa lesisedvute nawe nome enkantolo yamantji, nome umangalele umntfu lokhulukungyetwa esiteshini semaphoyisa uphindze ufake nesicelo semyalelo wekuvikelwa. Umyalelo wekuvikelwa lobukene neludlame lwasemakhaya yincwadzi lekhiswa yinkantolo, levikela umntfu lohlukunyetwa kuloyo longumhlukumeti.

UTFOLAKALA KANJANI UMYALELO WEKUVIKELWA KWEMUNTFU LOHLUKUNYETWE

NGEKWEMTSETFO WELUDLAME LWASEMAKHAYA, 1998, (UMTSETFO LONGUNOMBOLO 116 wanga-1998)



lesicondizwe kummangali ecaleni leludlame lwasekhaya.

Angasifaka kuphi ummangali sicelo semyalelo wekuvikelwa?

Kunome nguyiphi inkantolo yamantji nome iNkantolo Yetemndeni lesungulwe ngekweMsetfo wePhalamende. Sigaba 4(1) nasifundvwa ngekulhanganyela nesigaba 1 (Sigaba 12) Nome nguyiphi inkantolo yakuleyo ndzawo lapho ahlala khona ngalokuphelele ummangali, nome lapho asebenta khona nome lapho enta khona libhizinisi. Kuleyo ndzawo lapho bekuhlala khona ummangali, nome lapho abesebenta khona nome lapho abentela khona libhizinisi ngesikhatsi kwenteka sehlahlako sekhulukungyetwa.

Kungaphasi kwasiphi simo lapho kutsatfwa khona ngekutsi kunebudlelwano basekhaya emkhatsini kwemangali nemmangalelwa?

Esimweni lapho laba lababili bashadile nome bebashadile; lapho bahlala nome bebahlala ndzawonye njengebantfu labashadile, nanobe bangakashadi; lapho benesibopho sekondla futsi bakhulise umntfwana ngekubambisana, njengebatali bakhe; lapho batsembisene umshado, batsandzana nome baganene ngekwenkubo yendzabuko; tihlobo tengati nome bantfu labahlolobene ngekweumshado nome bantfu labangatalani kodvwa batsetfwe ngalokusemtsetfweni bakfwa ngephasi kwesandla semndeni ngenhloso yekubondla nekubakhusisa njengemalunga emndeni; bantfu labahlala ndzawonye nome labahlala ndzawonye.

Ngubani longatsatselelwa umyalelo wekuvikelwa?

Nome ngumuphi umntfu lonebudlelwano nome lobekanebudlelwano basekhaya nemmangali, lokungumntfu lohlukumete nome lokutsiwa uhlukumete ummangali.

Ngubani lonesibopho sekwatasa ummangali ngemalungelo akhe ngekuyalela kwe-DVA?

Lilunga leMbutfo Wemaphoyisa aseNingizimu Afrika. (Sigaba 2) Lifomu 1 Umtsetfomgomo 2; Satiso

Ngabe kungaphasi kwatiphi timo lapho kuvumeleke khona kutsi kufakwe sicelo semyalelo wekuvikelwa sekwegcema-awa latayelekile ekusebenta kwenkantolo nome ngelusuku leyingasebenti ngalo inkantolo?

Uma inkantolo yenetisekile kutsi kungenteka ahlangebetane nebumatima nekhulukungyetwa ummangali uma sicelo singacutjungulwa ngekushesha. Sigaba 4(5)

Ngutiphi tincwadzi lokumele titfuyelwe ngummangali ngesikhatsi afaka sicelo semyalelo wekuvikelwa?

1. Sicelo lesihambelana nelifomu 2 leMsetfomgomo 4 wemitsetfomgomo ye-DVA; sicelo semyalelo wekuvikelwa
2. Tincwadzi letibufakazi lobufungelwe letivela ebantfwini labanelwati mayelana neludzaba lwekhulukungyetwa.
3. Tigaba 4(6) na (7).

Kwentekani uma inkantolo ingawukhiphi umyalelo wekuvikelwa wesikhatsi?

Sigaba 5(4) Inkantolo kumele iyalele mabhalane wenkantolo kutsi acinisekise kutsi emakhophi lacinisekise esicelo kanye netincwadzi letibufakazi lobufungelwe titfuyelwa kummangalelwa ngendlela lencunyuwe, kanye nesatiso lesincunyuwe (Lifomu 5 Umtsetfomgomo 7); lesiyalela ummangalelwa kutsi anikete tizafutse kutsi ngani kungakafaneli inkantolo ikhiphe umyalelo wekuvikelwa.

Kukhiswa kwemyalelo wekuvikelwa

Sigaba 6(1) Kutawukhiswa umyalelo wekugcina nalongujucu uma ummangalelwa angaveli embi kwenkantolo ngelusuku



lolubekiwe, lolubhalwe kumyalelo wekuvikelwa wesikhatsi nome uma ummangalelwa angaveli embi kwenkantolo ngelusuku lolubekiwe lolubhalwe esatisweni, uma ungakhishwa umyalelo wekuvikelwa wesikhatsi. Sigaba 6(2) Uma ummangalelwa avela embi kwenkantolo ngelusuku lolubekiwe lolubhalwe kumyalelo wekuvikelwa wesikhatsi nome esatisweni, futsi akuphika kukhiswa kwemyalelo wekuvikelwa, inkantolo itawubese ichubekela embili nekulalelwa kwalolu dzaba. Umyalelo wekuvikelwa lokhiswe yinkantolo kumele wentiwe ngelifomu leincunyuwe, ngekweLifomu 6 Umtsetfomgomo 8; nome lifomu 7 Umtsetfomgomo 8.

Kutakwentekani emva kwekukhiswa kwemyalelo wekuvikelwa?

Sigaba 6(6) Mabhalane wenkantolo kumele atfumele emakhophi lacinisekise emyalelo wekuvikelwa kanye nencwadzi legunyata kuboshwa kwemangalelwa esiteshini semaphoyisa lesikhethwe ngummangali.

Kukhiswa kwencwadzi legunyata kuboshwa kwemangalelwa

Sigaba 8(1)(a) Incwadzi legunyata kuboshwa kwemangalelwa kumele igunyatwe ngalokusemtsetfweni futsi ikhiswe ngekulandzela lifomu 8 Umtsetfomgomo 9. Nome nini uma inkantolo ikhipha umyalelo wekuvikelwa kwemuntfu lotsite kumele iphindze ikhiphe nemyalelo logunyata kuboshwa kwemangalelwa. Kuboshwa kwemangalelwa, ngekwenkhwazi legunyata kuboshwa kwakhe, kutawumiswa uma awuhlonipha nanome ngumuphi umyalelo wenkantolo lomvimbelako kutsi ente lokutsite nome umbandzela lobekiwe nome sibopho.

